

皇宋十朝綱要

皇宋十朝綱要卷第八

看山李臺編

神宗體元顯道法古立憲帝德王功英文烈武欽仁聖
孝皇帝諱頊 英宗長子母曰宣仁聖烈皇后高氏
慶歷八年戊子歲四月十日生於睦親宅是年八月
授太子右內率府副率賜名仲鍼累遷右千牛衛將
軍嘉祐八年四月遷安州觀察使封光國公九月遷
持進檢校太傅忠武軍節度使同中書門下平章事
封淮陽郡王改今諱治平元年六月進封賴王三年

十二月立為皇太子四年正月八日即位年二十元
豐八年三月五日崩于福寧殿年三十八十月六日
葬永裕陵在河南府永安縣謚曰英文烈武聖孝廟
號神宗紹聖二年九月加謚曰紹天法古運德建功
英文烈武欽仁聖孝崇寧三年十一月改謚曰体元
顯道帝德王功英文烈武欽仁聖孝政和三年十一
月加上今謚

年號二

熙寧十

元豐八

皇后三

欽聖憲肅皇后向氏 故相贈太師進封楚王敏中

後贈太師開府儀同三司尚書令兼中書令諡
王經之女治平三年三月薨于賴卿封安固夫人
人四年二月立為皇后生淑懷長公主熙寧二
年四月行冊禮元豐八年三月尊為皇太后居
慈德宮元祐二年九月行冊禮元符三年正月
權同慶分軍國事六月二十日薨年五十六諡
建中靖國元年正月十六日陪葬 永裕陵附太廟
欽聖憲肅皇后 室神宗

欽成皇后朱氏 贈太保士安之女初入宮為御侍

月進婕妤好元豐二年九月進封德妃八年三月尊為皇太
賢妃七年正月進封德妃八年三月尊為皇太

六日	尊為太	月進藏宗	八月進美	欽慈皇后	裕陵附太	月二崩年	復歸姓唯	代紹聖中	主后本姓	皇帝楚王	妃居端聖
陪奠	后諡	皇太	人三	陳氏	太庙	四日	贈	訪	崔	似	宮
永裕陵	日欽慈	建中	六七月	元豐五年	神宗	英一	延和	其故	父保	賢穆	元祐二年
陵附太	初奠	靜國	月贈元	宗室	室	尊為	皆太	時以	保初	賢康	九年
庙	多慶	元正	儀紹聖	十一月	貴之女	皇太	師崇	后姓	于廷	賢孝	十月
神宗	院五月	月十	元符	進才	初八	太后	寧元	氏已	和家	宜賢	十一月
室	七月	七	三年	八月	為	諡曰	年二	布中	最後	靜五	哲宗
	追	追	追	追	追	成	成	成	成	成	成

慈皇后陳氏

无赠

豐太尉
五子

十貴
一之
月女

進初
才入
人宮

為御侍
八年

裕月
陵二
附十
太四
庙日

英宗永
神宗永

六復
日入
崩生
年唯
五賁

六十餘

一延
追和
尊皆

太師
為皇太

平元
年
后
元
日

欽二
成月
五十

主后聖中訪

知父

其併
故知
時齊

以于
后位
姓廷

共和
已家
布最

中後
外依
不來

皇如
帝居
楚端
王聖
似宮

元

袞 二
賢 平

九月行
考賢

宜州
習礼
靜生

五長哲宗

三

2

1971

—

+

吳王

似元豐五年七月生六年閏六月賜名授檢

宗即位加開府儀同三司進封大寧郡王紹聖

二年三月出問改鎮安武勝等軍進封申王五

年三月改保平泰寧軍遠守司空元符三年正

月蘇宗即位改永興成德守等軍京兆真定尹

遷守太傅進封陳王賜贊拜不召九月改荊南

淮南遷守太尉荊州楊州牧建中靖國元年十

二月賜詔書不召崇寧二年五月改河東山南

東西道遷守太師太原興元牧三年十二月賜

入朝不趨五年十一月薨葬昭陵七日贈尚書令

兼中書令徐州牧追封燕王比葬四臨其喪仍

御書御製挽詞二首賜之諡曰榮穆年

儀王

元豐五年生次月薨元符三年三月

燕王

侯元豐六年九月生七年八月賜名授檢校

楚

加開府儀同三司進封咸寧郡王紹聖五年三月	二月出閭改河陽三司進封咸寧郡王紹聖五年三月	二年三月改武寧鎮寧等軍進封華元符	宗即位改河東奉寧等軍遼守太保太原尹進	封衛王九月改復國山南西道等軍河中興元	尹崇寧二年五月改鎮海泰寧等軍青州兗州	牧大觀元年正月改淮南安武軍楊州吳州牧	進封魏王二年正月改淮興成德等軍遼守太	封雍王鎮定牧進封燕王北和三年正月遼太	傳靖康元年三月改河東劉南西川遼太師太	原成	都牧	王似檢校太尉集慶軍節度使封和國公賜名授	宗即位加開府儀同三司進封咸寧郡王紹聖五年三月	五年三月出閭改河陽三司進封咸寧郡王紹聖五年三月	符三年三月出閭改河陽三司進封咸寧郡王紹聖五年三月	進封蔡王八月改保平鎮安等軍還太保九月
---------------------	-----------------------	------------------	--------------------	--------------------	--------------------	--------------------	--------------------	--------------------	--------------------	----	----	---------------------	------------------------	-------------------------	--------------------------	--------------------

王德

改鳳翔雄武等軍鳳翔尹崇寧二年五月改荆
 南武寧等軍荊州徐州改五年三月堯叟朝七
 日贈太師尚書令兼中書令興州牧追封韓王
 比興四臨其喪仍御書御製挽詞二首賜之大
 覲元年正月追封
 楚王謚曰榮惠

王德元豐八年八月生元祐元年
五月加開府儀同三司紹聖五年三月改安
鎮安集慶等軍追封睦王三年二月出閣五月改武
武寧武勝軍遷守司徒進封定王九月改清海
鎮海等軍崇寧元年三月改成德真定武勝等
軍遼州太保真定尹二年五月改淮南永興等
軍楊州雍州牧大觀元年正月改荆南奉寧等
軍荊州宛州牧進封鄧王二年正月改鳳翔山
南道速守太尉鳳翔興元牧進封越王政和
三年正月速守太尉靖康元年三月改永興成德

公主十

等軍遷太師
雍州真定牧

周國長公主
昭寧二年二月
薨追封無國元禧公主元豐元

追封周國長公主
改封淑懷長帝姬
和

楚國長公主
昭寧三年七月
薨追封吳國元符三年五

十月追封楚國長公主
改封賢格長帝姬
四年

唐國長公主
昭寧四年八月
薨追封淑壽公主元祐七

年二月進封曹國
是月降左衛將軍韓嘉彥元

符三年改封英崇寧二年五月改封雍國大現元

年正月改封越國崇寧二年五月改封燕國和元年十

一月薨追封唐國賜諡賢穆四年十二月改封

賢穆長
帝姬

潭國長公主
元豐八年四月封康國長公主
紹聖

軍王名杞
四年五月進封魯國大觀元年二月改韓國

崇寧二年五月
進封魯國大觀元年二月改韓國

國二年二月
改封魯國大觀元年二月改韓國

孝政和四年十二月
改封魯國大觀元年二月改韓國

鄆國長公主
元豐八年三月追封鄆國長公主
政和

五年正月
改封鄆國長公主
政和

賢康長帝姬
改封鄆國長公主
政和

潞國長公主
元豐七年四月追封潞國長公主
政和

四年十二月
改封潞國長公主
政和

封賢穆長帝姬
改封潞國長公主
政和

邢國長公主
元豐七年正月追封邢國長公主
政和

宰相九人

五年十一月	年閏四月	元年正月	益國三年十二月	國長公主元豐八年二月	二月改封賢和長帝姬	充國長公主元豐八年四月	改封賢宜長帝姬	國政和四年十二月	卯國長公主元豐八年四月	封賢令長帝姬	四年十二月
薨封賢靖長帝姬	封柔惠帝姬政和	蜀國二年二月	降左衛將軍潘意封吳國大	封虔國崇寧二年五月	帝姬十年	薨追封嘉國長公主元祐	薨追封嘉國長公主元祐	薨追封嘉國長公主元祐	薨追封嘉國長公主元祐	薨追封嘉國長公主元祐	薨追封嘉國長公主元祐

才人

才人

參知政事十五人

韓琦

曾公亮

富弼

韓絳

王安石

陳升之

吳充

王珪

蔡確

歐陽脩

趙鼎

吳奎

張方平

蔡確

趙抃

唐介

韓絳

馮京

王珪

章惇

張璪

王安石

呂惠卿

元絳

樞密使五人

文彥博

呂公弼

陳升之

吳充

馮京

樞密副使十人

陳升之

呂公弼

韓絳

邵亢

馮京

吳充

蔡挺

王韶

孫固

呂公著

尚書左僕射一人

王珪

尚書右僕射一人

蔡確

門下侍郎一人

章惇

中書侍郎一人

張璪

尚書左丞二人

蒲宗孟

王安禮

尚書右丞二人

王安礼

李清臣

知樞密院事四人

元豐三年官制行
省樞密使副使

陳升之

馮京

孫固

韓 縝

同知樞密院事五人

孫 周

呂公著

薛 向

韓 縝

安 燾

簽書樞密院事一人

曾孝寬

同簽書樞密院事一人

郭達

使相十五人

皇伯祖允弼

皇伯宗諤

皇伯宗樸

皇伯宗旦

皇伯宗暉

皇弟顥

皇弟頤

曾 侑

富 弼

張 昇

韓 琦

文彥博

陳升之

王安石

李日尊

三司使十四人

自元豐五年改官制以戶部尚書領邦計罷三司使自是不復除

韓絳

唐介

邵必

王陶

吳充

李肅之

薛向

曾布

元絳

章惇

沈括

李承之

趙鼎

安燾

學士三十四人

立學士院同

錢明逸

呂公著

司馬光二

沈遘

王安石

張方平

王珪
滕甫
韓維二
楊繪
呂惠卿
許將
孫洙直
蒲宗孟
張璪

鄭獬
范祖禹
吳克
陳繹二
鄧綰直
沈括
安燾直
蔡延慶
李清臣

馮京
王陶
元絳
曾布二
章惇
鄧潤甫
蔡確
李迓
王安礼

舒亶

給事中六人元豐五年四月始除

舒亶

徐禧

李承之

陸佃

韓忠彥

蔡卞

知制誥四十五人直舍人院同

韓維

邵亢

呂夏卿

滕甫

王安石

邵必

鄭獬

陳荐

楊繪

錢公輔二

吳充

李大臨

蘇頌
陳襄
沈起
孫洙
曹布
李定
章衡
張諤
張瑄

宋頌
蔡延慶
呂大防
鄧綰
許將
呂惠卿
沈括
熊本
蔡確

宋敏求
王益柔
李壽朋
陳繹
鄧潤甫
章惇
錢藻
蒲宗孟
黃履

李清臣

王安礼

沈季長

舒亶

王存

徐禧

中書舍人十人元豐五年四月始除

曾鞏

趙彥若

蹇周輔

蔡卞

蔡京

陸佃

楊景畧

錢勰

王震

范百禄

御史中丞十六人

彭思永

王陶

司馬光

滕甫

呂誨

呂公著

韓維

馮京

楊繪

鄧綰

鄧潤甫

蔡確

李定

徐禧

舒亶

黃履

諫官三十八人

自元豐六年九月置左右在諫議大夫止

其右正官止除臺序辰一人

李受

滕甫

卽亢

傅卞

趙抃

劉庠

陳薦 孫覺 呂誨 李常 鄧綰 常秩 范百禄 蔡確 張瑄

吳充 錢公甫 范純仁 胡宗愈 張璪 呂惠卿 許將 徐禧 舒亶

楊繪 吳申 陳襄 孫洙 唐垕 鄧潤甫 黃履 李定 黃顏

蔡卞

朱服

趙彥若

王亘

蹇序辰

御史六十八人
侍御史知雜事侍御史殿中侍御史監察御史并御史裏行皆司

蘇宋

劉述

吳申

呂景

張紀

劉庠

蔣之奇

唐淑問

張唐英

錢顗

劉琦

張戢

陳襄

程顗

孫昌齡

王子韶

李定

謝景溫

薛昌朝

李堯言

劉摯

唐垌

盛陶

張琬

陳睦

彭汝礪

上官均

林旦

鄧綰
二

黃好謙

劉孝孫

丁執禮

王圭

蔡承禧

周尹

何正臣

范育

李寔

蔡確

張商英

黃履

徐禧

舒亶

黃庶

黃顏

進士

滿中行 豐稷 黃降 頤起 張汝賢 塞序辰 宋京 邵材

范鏜 朱服 蔡卞 楊畏 趙屺 劉拯 來之邵

王祖道 宇文昌齡 王元 翟思 陳師錫 安享 陳次升

治平四年取進士許安世等二百五十人

熙寧三年取進士葉祖洽等二百九十五人

是歲殿試始以策
問罷詩賦論三題

熙寧六年取進士余中等四百人

熙寧九年取進士徐鐸等四百二十二人

元豐二年取進士時彥等三百四十八人

元豐五年取進士黃裳等四百四十五人

元豐八年取進士焦蹈等四百八十五人

癸置升改州府

熙寧元年五月廢虔成軍

二年十月廢綏州為綏德城

三年復銀州尋棄之 廢憲州通利清平定化軍

四年廢南儀賓州廣濟漢陽江陰軍

五年五月以古渭寨置通遠軍 八月以武勝軍

為鎮洮軍 十月升鎮洮軍為熙州鎮洮軍節

度 廢集壁鄭滑儀乾慈蒙八州連水高郵光

化永康四軍 降陵州為陵井監

六年十月壬辰廢復春梅偃崖萬安州荆門軍

復河州岷州

七年二月廢連州 四月以懿州為沅州 置秦

州

八年十一月以渝州南州縣銅佛堪置南平軍

九年四月復置永康軍 築下溪州以為會溪城

十二月置威戎軍置誠州

十年二月以廣源州為順州 四月復置憲州水

靜軍

元豐二年八月升潁州為順德軍

三年正月升許州為潁昌府

四年八月復置滑州復蘭州

五年改通遠軍為州以定西軍為通遠軍築汝延
堡為定西城此事係提李憲奏請然迄不成十二月復置梅

州

七年五月以邕州延泉寨置富州

誕節

同天

神御殿

大明

皇宋十朝綱要卷第八

皇宋十朝綱要卷第九

眉山李璣編

神宗

戊申熙寧元年

遼主洪基咸雍四年

正月甲戌朔日食改元 丁丑以旱詔輔臣極言闕失

二月丁未詔河朔繕固守備 辛亥令諸道每季上

雨雪 丙辰神詔坐擅興罪奪四官安置隨州

三月庚辰夏國主諒祚卒子秉常遣使薛宗道來告

哀上令河北轉運使韓鎮喻旨欲取彼國親責任事
首領三五人自朝廷除官仍割歲賜五萬充俸又諭
當以綏州還賜却使歸安遠寨門二寨宗道頓首受
命請歸白之國主上喜 戊子作太皇太后慶壽宮
皇太后室慈宮

四月乙巳翰林學士王安石越次入對言為治當以
擇術為先今須每事以堯舜為法 庚申詔愷判太
常侍龔鼎臣議令經筵立誨
五月展國子監以九百人為額

六月乙丑河決來強 丙寅命翰林學士司馬光御史中丞滕甫裁定國用

七月詔謀殺已傷按問欲舉自首從謀殺減二等論已卯以觀文殿學士陳升之知樞密院事樞密院並置使副知院自此始 甲申京師地震乙酉又震辛卯詔以河北地大震飭並邊警備及刺探北虜動息 壬辰遣御史中丞滕甫知制誥吳充安撫河北 癸巳決深州溢水 降德音河北路 己亥河溢瀛州

八月壬寅京師地震甲辰又震 甲子詔中書門下
考藝祖子孫屬近而行尊者一人裂地王之使常棣
獻於郊廟世世勿絕 乙丑復行崇天曆 丙寅詔
自今館職止試策論

九月封太祖曾孫愷式為安定郡王 乙酉置南北
監牧使 丁亥減后妃二府臣僚以下蔭補恩

十月乙卯出奉宸庫珠付河北市馬

十一月丙戌廢南郊青城後苑 丁亥上祀天地于

圜邱大赦

十二月壬寅詔自今從中批降事須覆奏乃行 肅
常更遣使羅重進來言主上方以孝治天下奈何及
教夏國之臣叛其君朝廷乃罷分賜酋豪之議止令
歸塞門安速二寨還賜以綏州重進凡三往返議之
至是始奉表聽從 庚戌賜肅常詔許行封冊

申氏李宏猷弓式射二百四十步製成賜名神臂弓
己酉熙寧二年 遼主洪基咸雍五年

二月己亥觀文殿大學士左僕射集熙觀使富弼以
本官兼門下侍郎同平章事昭文館大學士

庚子以翰林學士王安石為叅知政事安石初上以今日變風俗立法度最急甲子陳升之王安石制置三司條例

三月戊子秉常上誓表賜以誓書

四月群臣再上尊號詔答以臨御三年災變屢出可亟罷此議勿以虛名浼予甲辰詔以大河決溢地震相仍古夏大旱自乙巳避殿減膳撤樂罷同天即上壽令群臣勉脩厥職以圖脩復又詔諸路封事休日並以聞丙辰詔侍從官各極言上躬過失朝

廷缺政 丁巳遣都官員外郎劉彝等八人分使諸路察農田水种賦役 戊午詔兩制兩省御史臺三司三館臣寮共議貢舉法

五月甲午定縣令考績之法分上中下三等

六月丁巳御史中丞呂誨坐論王安石十罪出知鄧州

七月乙巳朔日食 罷義倉法 壬申詔自今以恩

遷官不隔磨勘自比部員外郎黃汾始 辛巳罷兩府初拜奉官三員 立淮浙江湖六路均輸法令發

運使薛向領之

八月乙未朔詔謀殺人自首及案問欲舉並依今年
二月十七日勅施行 御史劉述劉錡錢顥諫官范
純仁坐論王安石癸卯錡顥貶監當丙午純仁罷諫
職尋出知河中府述尋知江州 戊申河決東行
九月丁卯立常平給欽法首行于京東河北淮南三
路 戊辰出納庫緡錢百萬糴河北常平倉粟 乙
亥置河北陝西提舉常平廣惠倉官命太常博士王
廣燕等為之 丙子推行常平廣惠倉法于諸路

己卯詔發運使兼提舉九路坑冶市舶立坐倉
法 辛卯廢奉慈廟 是月大核軍核額總陝西
馬步軍五百四十五營併為三百五十營京師及畿
甸諸路省併如陝西法

十月丙申富弼罷為使相判亳州曾公亮進昭文館
大學士監脩國史知樞密院事陳升之加礼部尚書
同平章事集賢殿大學士詔升之位樞密使文彥博
下 改綏州為綏德城不復以易二寨 甲辰詔以
步軍副都指揮使宋守約為簽書樞密院事宰相曾

公亮等力爭以為不可遂止 丙辰詔三院御史及裏行有公事並許直申閣門上殿

十一月乙丑叅知政事韓絳同制置三司條例 甲戌詔宗室子弟服踈親盡才藝可錄在隨器官使之至任子之令婚姻之儀宜一用外官制自是祖宗子孫之後世襲惟袒免親補外官非袒免親罷賜名授官 乙亥諸路並署提舉常平廣惠倉官 丙子罷諸路提刑武官 頒農田水利約束 己卯比部郎中張仲宣犯枉法贓特免決與黥面流賀州自是命

官無杖黥者 先是御史王子韶被旨体量知明州
苗振在官不法事子韶又言知杭州祖無擇亦有奸
利

閏十一月庚子遣使鞠無擇獄于秀州振獄于越州
十二月詔復減后妃公主及臣僚蔭補恩澤 癸酉
增失入死罪法 丙戌增置三京留司御史臺同判
國子監官及諸宮觀官以處卿監：司知州老不任
職者 是月始令諸路預給錢和買紬絹

庚戌熙寧三年 遼主洪基咸雍六年

正月己卯詔諸路給發青苗錢毋得追呼抑配令提點刑獄官察之違者以名聞寘諸罰其有敢沮遏願請者按罰亦如之

二月壬申以翰林學士司馬光為樞密副使光以議新法不合九辭庚申忝還制命是月韓琦上疏極言青苗之害上大悔悟安石辨執堅甚且力辭位以邀上上亦固留之安石始出視事

三月己亥御集英殿始策進士罷詩賦論三題是月諫官孫覺御史程顥皆坐論新法不便覺出知

廣德軍瀨提舉京西刑獄 丙辰立試刑法官法

四月御史中丞呂公著御史張戢諫官李常皆坐論
新法不便戊辰公著出知潁州常通判滑州戢知縣
知制誥宋敏求以繼還秀州推官李定除御史詞命
罷職以本官奉朝請 是月西人犯延州綏德城八
堡

五月辛卯始置直舍人院官以授同脩起居注陳襄
為之襄不受 乙未以命同脩起居注蔡延慶集賢
校理王並柔為之 壬寅詔三館看詳轉對封章

癸卯知制誥蘇頌李大臨以連繼還李定詞命皆罷
歸本班 甲辰罷制置條例司歸中書 丁巳置審
官西院專領開門祇候以上至諸司使差遣磨勘樞
密使文彥博力爭之不從 是月夏人大舉入寇慶
州築開訛堡知慶州李復圭遣鈐轄李信等擊之敗
還復圭又遣將梁從吉別攻夏人金湯白豹等寨破
之 判延州郭達遣將燕達等攻夏人八堡克其二
虜遁去

六月甲戌御河成

七月丙午詔中書考察內外官司置簿記功過歲終
及曰非次除授比較進呈 癸丑祖無擇獄具責散
官

八月辛酉苗振獄具責散官 戊寅詔川陝福建廣
南七路之官罷任迎送勞苦其令轉運司立格就注
免其赴選具為令 庚辰夏人大舉趙環慶奪大順
城水寨慶州鈴轄郭慶都監高敏戰死虜兵屯採林
距慶州四十里游騎至城下陝右大震 癸未增諸
倉役人祿 立勾奴重法

九月戊子朔置中書檢正五房公事官一員每員各
置檢正公事二員乙未命叅知政事韓絳宣撫陝西
以皇城使李綬為樞密副都丞旨副都丞旨用士人
自此始 己亥命判大理寺崔台符等攷試法官試
法官自此始 庚子魯公亮罷為司徒使相集禧觀
使 癸丑作東西府以居執政

十月戊寅陳升之以母喪去位 己卯韓林學士范
鎮以言不行守本官致仕

十一月乙未詔文武官大兩省正任刺史以上丁憂

服闋更不別給勅告 乙卯韓絳兼宣撫河東

十二月己未詔立諸路更戍法乙丑以管勾開封府
界常平廣惠倉趙子幾之畿縣保甲法其後通行於
諸路蓋始於此 丁卯韓絳王安石並同平章事絳
昭文館大學士安石監脩國史 丁丑增廣南攝官
俸

辛亥熙寧四年 遼主洪基咸雍七年

正月乙未渝州夷李宗吉等叛殺巡檢李宗閑 是
月築囉兀城撫寧堡

二月丁巳朔罷詩賦及明經諸科以經義論策試進士置京東西河東河北陝西路學官甲戌夏人陷撫寧堡庚辰慶州廣銳卒吳遠擁衆叛知州王廣淵部將姚兒林廣討平之

三月丁亥慶州路轉運使孫紹先判官張銳奏討平渝州夷賊李承秀等斥地七百里癸卯奔囉兀城

丁未韓絳罷以本官知鄧州

六月甲戌判毫州富弼坐格常平令罷使相為尚書左僕射判汝州

七月辛未河決北京 丁酉御史中丞楊繪御史劉
摯坐論助役不便繪罷知鄭州摯監衡州鹽倉

八月高麗自天聖八年脩貢之後絕不通中國者四
十五年至是其國王徽始復遣使脩貢丙寅入見

九月辛卯大饗明堂以英宗配大赦 庚子夏主秉
常遣使入貢上表仍求綏州 癸卯選擇人俸

十月壬子朔罷差役法使民出錢募役 立選人及
任子試出官法 丙辰置樞密院諸房檢詳文字官
以館閣校勘王存等四人為之 戊辰立太學生內

外上舍法 丁亥作中太一宮 壬寅開洪泮河達
於淮 是月蠲民貸糧一百六十萬石錢一十萬緡
十二月戊午歸夏俘

壬子熙寧五年 遼主洪基咸雍八年

二月壬子以西浙水賜穀十萬石賑濟仍募民興水
利

三月甲午交趾來告李日尊卒子乾德嗣 用草澤
魏繼宗言詔以內藏庫錢置市場務子京師命戶部
判官呂嘉問提舉

四月辛未塞北京決河

五月立宗室非袒免親應舉法

六月癸亥詔以四場試進士 丙寅作京師諸門銅

魚符 乙亥置武學

七月壬寅以秘閣校理曾孝寬兼樞密都丞旨樞密
都丞旨用文臣為之自孝寬始 併吏部南曹入流

內銓

閏七月庚戌遣中書檢正戶房官章惇察訪荆湖北
路始經制南北江 乙卯詔入內供奉官以下私養

次子為內侍者斬 壬午武學生員以百人為額

八月甲申秦鳳路緣邊安撫王韶舉兵出塞復武勝

軍壬辰以為鎮洮軍 己亥詔分京東西路為南北

西路 甲辰王韶破西蕃首領河州刺史木征子鞏

令城

九月癸丑許宗室試換文資自今錄始 丙寅少華

山崩 丁卯分淮南為東西西路

十月戊戌以熙河洮岷通遠軍為熙河路

十一月庚申荆湖察訪章惇檄喻洞蠻開梅山地奏

得田二十六萬餘畝 御史張商英劾密院党庇吏
人任遠等十二事樞密使文彥博等皆不入院送印
於中書乞付有司推治 丁卯青商英監荆南稅
壬申分陝西為永興鄜延環慶涇原秦鳳熙河六路
仍各置經畧司

十二月丙申以梅山地置安化縣

癸丑熙寧六年 遼主洪基咸雍九年

正月辛亥奉禧祖為太廟始祖以配感生帝遷順祖
神主藏夾室

二月丙申熙河經畧王韶舉兵克河州獲本征妻子
三月庚戌置經義局訓詩書周禮義 丙辰以太史
言正陽之朔日食自丁巳避殿減膳 己未詔中書
選舉諸路學官 壬戌夏人寇秦州都巡檢劉惟吉
敗之 戊辰置諸路檢法官 授李乾德本道節度
交趾郡王 是月木征復入河州

四月戊申朔日食不見 乙亥置律學 庚寅中太
一宮成 是月瀘州晏夷叛犯涪井監

五月癸丑遣中書檢正官熊本往体量之 乙丑遂

州都監景思忠討晏夷戰不利死之 戊辰令民輸
免行錢

六月己亥置軍器監

七月丁巳詔沿邊吏殺熟戶以邀賞者戮之 乙丑
分河北監司為東西路

八月戊戌復比閭族黨之制頒行義勇保甲及養馬
法 王韶舉兵克洮州繼復河州遂城之

九月至馬練川拔宕州 戊午岷州首領木合矩以
州來獻疊洮二州酋渠相繼皆聽命是役軍行五十

四日涉千八百里得州五關地東西千里

十月辛未湖南北蔡訪章惇進兵平懿洽州蚩斬蚩
苗田元猛 辛巳以復熙河岷洮疊宕州受群臣賀
上鮮所服玉帶賜王安石 壬辰行折二錢

十一月丁未宦者黃懷信始獻漣川把法

十二月以洪州進士徐禧為節度推官中書戶房習
學公事以選人習學行檢正事自禧始

皇宋十朝綱要卷第十上

眉山李臺編

神宗

甲寅熙寧七年 遼主洪基咸雍十年

正月甲子熊本奏平瀝夷得地二百四十里以夷酋
甫望個恕知歸來州

二月乙未河州團練使景思立與西蕃首領木征青
宜結鬼章戰於踏白城死之

三月癸卯以旱避殿減膳 庚戌以兩浙路察訪沈

括言罷兩浙路增額預買紬絹十二萬 丙辰遼主
遣其臣林牙蕭禧來致書大意言河東路沿邊增脩
戍壘起鋪舍侵入彼國蔚應翔三州界內乞行毀撤
別立界至 壬戌詔遣太常少卿判三司開拆司劉
忱檢詳樞密院兵房文字呂大忠會其臣樞密副使
蕭素等於代州境上共議之 甲子遣天章閣待制
韓頴報聘于遼 乙丑以旱下詔責躬令中外寔封
指陳缺政

四月辛未立方田法

癸酉詔權罷災傷路方田編

排保甲造五等簿等是日雨 甲戌監安上門鄭俠
上流民圖上覽圖憂嘆出以示輔臣王安石遂乞避
位 乙亥王韶破西蕃于結河川甲申又大破之于
銀川 乙酉築珂諾城西蕃首領木征降 丙戌王
安石罷為觀文殿大學士知江寧府知大名府韓絳
復以吏部侍郎為同平章事監修國史 丙申遼主
遣蕭素來代州境上與劉忱等共議疆事 是月遷
三司鹽鉄判官李杞勾當公事蒲宗閔等入蜀買場
買茶應奉秦鳳熙河路博馬自是蜀茶始行榷法

五月辛亥罷賢良方正等科

七月乙卯用曲陽尉呂和卿議始行手寔法

九月癸丑用樞密副使蔡挺議置京畿河北京東西
路三十七將

十月庚辰置三司會計司以韓絳提舉

十一月己未上祀天地于圜邱大赦

乙卯熙寧八年 遼主洪基太原元年

正月乙巳始詔市馬于邛部川蠻以知成都府蔡延
慶領其事又詔市威雅嘉澗文龍州馬

二月甲子增陝西鉄官改鑄大錢 癸酉觀文殿大學士知江寧府王安石復以吏部尚書同平章事昭文館大學士 乙酉初行河北戸馬法

三月庚子遼人再遣蕭禧來致書言河東地界翌日詔遣天章閣侍制韓鎮往河東會議 壬申上以虜生事再遣橫使來求代北之地賜前宰相韓琦富弼文彥博曾公亮手詔詢以待遇脩禦之要 是月置陝西五路四十二將

四月乙亥正禧祖禘祫東嚮位 是月以樞密都丞

旨曾孝寬言廢河南北監牧 兵部請河東保甲養
馬以萬騎為額樞密院書保甲養馬不免抑配兼恐
芻秣失時不善調習緩急無所應用詔從之 廣源
州劉純寇邕州歸化州儂智會擊敗之

閏四月壬寅知制誥沈括上奉天歷 壬子右羽林
軍大將軍世居謀反伏誅

五月甲子分環慶兵為四將 丁丑餘姚縣主簿李
逢河中府觀察推官徐草謀反伏誅

六月丙午醢汴入蔡河以通漕 己酉頌王安石詩

書周禮義于學官 壬子詔五服杖增入嫡子死無
衆子然後嫡孫承重即嫡孫襲封爵者雖有衆子猶
承重 初蕭禧至京師留館中不肯行必欲以分水
嶺為界帝遣內侍李憲許之以長連城六蕃嶺為界
禧猶不從王安石勸上曰將欲取之必姑與之于是
詔于分水嶺界遣使以圖持示禧：乃去
七月又命韓縝往河東割新疆與之凡東西失地七
百里

八月丙申詔發運司輸京師粟留毋過百萬羨者與

飢民 庚戌韓絳罷為觀文殿太學士知許州 發
河北京東兵及廢監牧卒脩都城

十月乙未琴出軫 己亥避殿減膳詔中外之臣極
言已諱 辛亥罷手實法 丁未琴減

十一月交趾分三道入寇 戊寅陷欽州 壬午立
陝西蕃丁法

十二月丙申濬黃河 己酉交趾陷廉州 辛亥命
天章閣侍制趙鼎為安南道招討使率兵討交趾昭
宣使李憲副之

丙辰熙寧九年 遼主洪基太康二年

正月辛酉廣西提點刑獄宋球本路都監張守節進
兵崑崙關為交人所敗一軍皆覆守節死之

庚午置熙河岷等州買馬場 下溪州刺史彭師晏

等降乙卯詔次第補官 庚辰交趾陷邕州知州蘇

緘死之殺吏民五萬餘人 癸未罷陝西交子法

二月戊子命宣徽南院使郭達為安南道招討使以

趙鼎副之罷李憲 庚寅詔前廣西經畧使沈起劉

彞並責授散官安置起鄂州彞隨州

三月己卯宗哥首領鬼章寇五年谷熙河鈐轄韓存
宝擊敗之 梓夔路鈐轄王光祖破渝僚于黃沙坎
又援出別將楊万于石門督兵襲賊賊遁去 壬午
劉彝除名編管涪州

四月丁亥軍器監檄殿前都指揮使郝質等至監會
議質等以聞上批三衙禮繼二府寺監小官豈可呼
召自今止移文定議 己丑省禮賓院 戊戌復廣
濟河漕 辛亥茂州夷寇遠道內侍押班王中正往
經置之

五月丙寅分兩浙為東西路 丁卯城茂州 罷四
川路買馬 己巳詔淮東轉運副使蹇周輔鞠前知
華亭縣張若濟獄于秀州

七月乙丑詔自今大禮官昭憲太后族二人

八月壬辰以判南京張方平言罷天下鬻祠廟 庚
子占城入貢請助討交趾

九月丙子置樞密五房院

十月丙午王安石罷為使相判江寧府樞密使工部
侍郎吳充參知政事禮部侍郎王珪並以本官同平

章事充監脩國史珪集賢殿大學士 乙未詔東南
諸路訓練新軍

十二月甲午詔內侍李憲往計議秦鳳熙河路邊事
諸將並聽節制 癸卯郭遠敗交趾于富良江去交
州三十里獲偽太子洪真李乾德請降得其廣源州
門州思琅州蘇茂州及桃柳縣而還是役也官軍八
萬死者什六遠始欲濟富良江趨交州已而曰願以
一身活十萬人命乃班師

丁巳熙寧十年 遼主洪基太康三年

正月戊寅張若濟獄具若濟坐受民吳湘銀九百兩等罪杖脊流海島本路轉運副使王廷恭提點刑獄晁端彥等坐累降黜有差獄初起事連參知政事呂惠卿御史中丞鄧綰戮其狀上一再遣使往秀州究寔至是惠卿弟溫卿亦坐罪銜替

二月甲申詔封樅關額禁軍請受 戊子鬼章寇岷州知州种諤等擊敗之 丙午以復廣源蘇茂等州受群臣表賀赦乾德罪許脩貢如故

三月丙寅詔許孟陝等六州陳留等十一縣盜許通

商 戊申三司立鹽鈔帖納之法

四月丙午以河北京東盜起詔中書檢正官安燾安撫兩路

五月南劍州賊廖恩叛

六月丁亥徙淮南轉運副使蹇周輔于福建督捕廖恩

七月乙亥郭遼以安南失律奪宣徽使貶左衛將軍安置西京 丙子河決涇州曹村埽南徙匯于梁山張澤滌一合南清河入淮一合北清河入海

八月廖恩降

九月乙卯詔應傳宣中批及面得旨事無法者中書
樞密院覆奏若非礼祈恩有罪規免者奏勅之 癸
酉立義倉自畿內始

十一月辛酉詔兩省都知押班已至觀察使者如年
勞及有功止轉使額雖有特旨令樞臣執奏 甲戌
上祀天地于圜邱大赦

十二月壬午詔改明年元 是歲以提舉茶場司李
祀言始盡榷蜀茶

戊午元豐元年

遼主洪基太康四年

正月戊午命判太常寺陳襄等詳定郊廟礼文 卒
未始遣同修起居注安燾使高麗

閏正月壬午詔諦祫之外如親祠太廟並以功臣配

庚子詔知諫院蔡確與御史中丞鄧潤甫御史上
官均鞠相州失入獄

四月丙寅塞決河名其埽曰靈平

六月癸卯朔日食 辛酉相州獄具判官陳安民勒
停大理評事文及甫等論罰有差 以度支副使塞

周輔言始權福建路鹽 己酉納溪夷寇邊

七月癸酉朔立南郊滌宮 命西上閣門使韓存宝
經制瀘州納溪夷

九月乙酉詔祀天地正配位並用特牲

十月丁未畢修都城凡周五十里 辛亥韓存宝破
瀘夷後城十有三四

十一月己亥罷文武功臣號

十二月丁巳以開封囚猥多復置大理獄 是歲辰
沅州徭寇邊

己未元豐二年

遼主洪基太康五年

正月己卯詔大理鞠知太湖縣陳世儒母被害獄

二月戊辰詔御史何正臣舒亶鞠太學生虞蕃獄

三月庚寅從都子范子儀議導洛通汴命內臣宋用
臣提舉

五月丙子順州蠻叛峒兵討平之 庚辰詔濮安懿

王三夫人並稱王夫人遷祔濮園

七月己巳逮知湖州蘇軾赴御史獄

八月丙申朔夏人寇綏德城都監李浦擊退之 辛

丑分涇原路兵馬為十一將

九月丁丑陳世儒及妻李並伏誅

壬辰出馬步射

格鬪法頒諸軍

十月戊申交趾歸所掠邕欽廉三州人以順州賜之

乙卯太皇太后崩

十一月庚午太學獄具學官王沆之除名余中王沔之范峒並黜責有差獄逾年方決追逮徧四方連坐甚衆皆中丞蔡確御史舒亶何正臣為之 癸未始御崇政殿

十二月乙巳立太學三舍之法凡一百四十三條

丙午置御史六察

庚申蘇軾獄具責散官安置

黃州連坐者甚衆

庚申元豐三年

正月戊子詔審刑部斷議官失入者歲具數罰之

二月壬戌以宣徽南院使王拱辰言立戶馬法

三月乙丑吳充罷為觀文殿大學士西太一宮使

癸酉葬慈聖光獻皇后于永昭陵 丙午南丹州入

貢賜以刺史印

四月戊申泸州夷乞弟寇戎州兵官王宣王慎言死
之 乙卯詔御史分察諸路監司

五月甲申復命韓存宝經制泸夷 改導洛司為汴
河堤岸司

六月詔京東十二州置買賣鹽場官自賣鹽

七月庚午河決澶州孫村大吳埽 甲戌詔自今大

礼毋上尊號 丁丑詔祠郊庙毋設黃道褥 癸未

琴出太微垣 丙戌避殿減膳詔中外直言闕失

丁亥詔祀明堂惟配上帝餘從祀群神悉罷

八月戊午彗滅

九月乙亥正官名以待中中書令同平章事為開府儀同三司左右僕射為特進吏部尚書至將作監主簿並換階官為寄祿官檢校僕射以下及階散憲銜並罷 丙子詔兩制遷官至太中大夫止朝議大夫以七十負為額 丙戌王珪進監脩國史 辛巳大享明堂以英宗配大赦 乙酉詔即景靈宮作十一殿以時主祀祠祖宗

閏九月論至和太師乞立嗣功文考博加兩鎮節度

富弼為司徒劉沆王堯臣並追賜諡封國公是歲
始制元豐庫河東河北陝西三路始行保甲法

皇宋十朝綱要卷第十上

皇宋十朝綱要卷第十下

者山李堊編

神宗

辛酉元豐四年

遼主洪基太康七年

正月乙未命步軍都虞候林廣代韓存寶經制瀝夷

庚子詔試進士加律義 庚戌以五路義勇並團

為保甲

二月己卯詔東南諸路團結諸軍為十三將

三月乙巳立九軍法大閱兵于好畆 是月通廣

鹽于乾州南安軍又通淮鹽于洪吉袁撫等州

四月己巳詔罷南郊合祭天地自今親祠北郊如南郊儀有故不行則以上公攝事 壬申山陰縣主簿

余行之謀反伏誅 乙酉河決澶州小吳北流

七月庚寅以夏人囚其主秉常令陝西河東路舉兵問罪 以判吏部蘇頌言以武選歸吏部於是吏部始分左右曹立四選法 丙寅韓存寶坐逗遛無功伏誅

八月乙卯朔罷中書堂選悉歸有司 辛酉夏人寇

臨川堡 詔西蕃保順軍節度董毡會兵伐西夏

九月乙酉熙河經制李憲舉兵復蘭州 丁亥敗夏

人于西市 丙午詔諭夏國首領能相率効順共誅

國惟當倍行爵賞敢拒王師擊殺無赦 辛亥御延

經畧副使种諤大敗夏人于無定州

十月丁巳諤攻米脂寨破之降其將令介訛遇 癸

亥入石州 戊辰入夏州 己巳入銀州 庚午環

慶行營經畧使高遵裕復請遠軍入環州 癸酉入

韋州 己卯涇原路都總管劉昌祚大敗夏人于磨

嘯隘 辛巳進次鳴沙川取其窖米百萬計趨靈州
十一月癸未朔日食 劉昌祚軍乘勝至靈州城下
城門未閉先鋒奪門欲入遵裕馳遣使止之昌祚畏
與遵裕爭功因止不攻乙酉遵裕繼至與諸軍合攻
城凡十八日不下 丙戌郤延副總管曲珍敗夏人
于黑水 己丑李憲敗夏人于囉逋川 庚子取浮
圖吳堡義合三壘關土東屬銀夏 辛丑師還初上
將興師知樞密院孫固副使呂公著皆力諫至是諸
將皆無功上大悔喻孫固曰若用卿言必不至此

癸卯罷宣徽使 辛亥築塞門浮屠二寨 是月以御史滿中行言罷文德殿常朝及橫行

十二月辛未林廣破乞弟于納江乞弟遁去 是歲府界及三路上保丁數凡六十九萬有奇

壬戌元豐五年 遼主洪基太康八年

正月辛丑青高遵裕散官安置郢州 辛亥以熙河經制李憲為涇原經畧安撫制置使知蘭州李浩副之再議西討 以提舉市易司賈青言推行抵當法于畿縣 是月詔准西路始榷鹽

二月丙辰林廣追乞弟深入夷境至鴉飛不度山內
侍表文丙出密詔班師師行凡四十餘日丙辰歸次
江門 築樂共城安疆寨江門寨 癸酉以董毡嘗
出兵助討夏國有功進封武威郡王

三月以日將食避殿減膳

四月日食不見 甲子築葭芦寨 癸酉官制成以
門下中書三省統領百職改平章事為尚書左右僕
射以平章事王珪及參知政事蔡確為之改參知政
事為門下中書侍郎以知定州章惇參知政事張璪

為之置左右丞以翰林學士蒲宗孟王安礼為之

五月詔門下省察差除更改事更不聞報御史臺諫
院 辛卯詔秘書殿中內侍入內內侍省不隸台察
癸巳作尚書省 知延州沈括乞盡城橫山北瞰
平夏使虜不得絕磧為寇 丙午遣給事中徐禧內
侍李舜舉往審議之

六月乙卯詔李憲赴闕始罷西師再舉之議 詔自
今事不以大小中書取旨門下覆奏尚書省奉行

戊寅作大源河 安化蠻寇宜州知州湖南都監

王竒死之

七月壬申河決靈平埽

己酉始建雩壇專祀上帝

以太宗配罷從祀群神

八月庚申詔歲以四孟月朝獻景靈宮

壬戌始用

徐禧議即永樂小川築新城距故銀州二十五里

戊寅河決原武

九月丙戌賜永樂新城名銀川寨

夏人聞城永樂

自涇原舉兵二十萬來爭徐禧李舜舉亦自米脂引

兵趨銀州寨禦之

丁亥夏人寇銀州寨卽延路副

總管曲珍出戰敗績將官寇偉死之 戊戌臨銀川
寨禧舜舉及陝西轉運判官李稷死之曲珍縋城走
得免蕃漢官二百三十人兵萬二千三百人皆歿
己亥始置客省司引進四方館東上閣門使副 壬
寅河溢滑州塞原武決河 是月淮西路始推行塞
周輔益浚

十月戊申上聞銀川城陷對輔臣慟哭言唯呂公著
趙鼎嘗言用兵不是好事自是息意討征 甲寅責
沈括散官安置隨州 是月狹河始畢功

十一月戊寅罷御史分察諸路 壬午景靈宮十一
殿成告遷祖宗神御 癸未初行酌獻禮 乙酉大
赦 官繪像景靈臣寮子若孫一人

十二月丁巳新樂成 甲子開京城濠

癸亥元豐六年 遼主洪基太康九年

正月丁丑朔御大慶殿受朝始用新樂儀鸞司撤幕
屋毀新玉輅上不憚 是月夏人寇蘭州殺將官楊
定鈴轄王文郁力戰却之

二月甲戌升九宮貴神為大祀

三月夏人又寇蘭州 戊戌麟府將郭忠紹敗夏人于乢離柳

四月戊申以提舉成都府路茶場陸師閔言始于成都府置博馬都茶場師閔代李稷增蜀茶額為百萬 癸亥熙河路總管李浩敗夏人于巴義谷

五月夏人寇麟州知州砦虎敗之

六月乙巳朔詔御史臺六察各置一御史 己未詔推行京東鹽法于河北

閏六月乙亥朔秉常奉表請脩貢許之 戊寅詔止

陝西河東出兵

七月乙卯始附孝惠孝章章淑德章懷皇后于太祖太宗真宗廟室

九月癸卯朔日食 丙辰以高麗國王徽卒遣使弔祭弟運即位

十月癸酉朔秉常上表修復貢乞還所侵地不許

丁丑始以中書舍人趙彥若為右諫議大夫 庚子尚書省成

十一月丙午祀昊天上帝于圜邱大赦始罷合祭

庚申幸尚書省 丁卯開洪澤河

十二月夏人大舉寇蘭州

甲子元豐七年 遼主洪基太康十年

正月癸丑夏人寇蘭州將士拒守甚固虜攻城十日
不下糧盡引去 丁未詔李憲檄西蕃首領董毡阿
里骨出兵腹背擊之

二月丁丑詔京東保甲每都養馬五十疋保馬之法
始于此 丙戌詔以侍御史知雜事為御侍史不帶
知雜事以言事官為殿中侍御史六察官為監察御

史左右巡使監察使名並罷

四月癸酉夏人寇延州安寨堡將官呂真敗之

五月壬戌以鄆國公孟河配食文宣王封苟況楊雄
韓愈為伯並從祀

六月丙子夏人寇德順軍巡檢王友死之

七月甲辰伊洛溢河決元城浸北京 是月河北路

始併大名府澶恩等十州官皆權鹽

九月通廣鹽于柳全道三州 乙丑夏人圍定西城

熙河將秦貴敗之

十月壬申夏人寇靖遠寨涇原路鈐轄彭孫敗之

夏人又寇涇原 乙亥寇熙州 戊子分畫交趾界

詔以六縣二峒賜之 辛巳始權建州及南劍州臘

茶

十一月丁酉朔夏人寇清遠寨隊將白玉李貴死之

十二月戊辰端明殿學士司馬光上資治通鑑

乙丑元豐八年 遼主洪基大安元年

正月戊戌上寢疾

二月辛未以福建路轉運使副王子奇言詔在京及

府界陝西路許茶貨通商外餘路並行榷法

辛巳貢院火試官有焚死者丁亥詔禮部別銷試

三月甲午朔立延安郡王嵬為皇太子皇太后權同

處分軍國事 詔熙河蘭會路制置使李憲落入內

副都知武信留後皇甫旦編管南安 乙未大赦

戊戌上崩于福寧殿皇太子即皇帝位尊皇太后為

太皇太后皇后為皇太后德妃朱氏為皇太妃太皇

太后權同處分軍國事 己亥大赦 詔緣邊務靜

守疆場 辛丑罷皇城邏卒放開壕役夫及造軍器

兵匠 乙巳罷太廟朔望荐食 己未詔遼事稍重
者樞密院與三省同議以進 是月李憲等舉兵渡
河擊夏人斬首四千餘級兩獲甚衆 司馬光入臨
民擁光馬首呼曰公無歸洛留相天子光悞徑歸洛
太皇遣內侍梁惟簡問光為政所當先者光乞下詔
廣開言路令士庶寔封極言得失

四月丙寅上初御紫宸殿 辛未詔戶部侍郎李定
條其堤岸司所領事及京城所課利以聞 蠲民間
元豐六年前逋賦 罷府界并京東路養馬 詔京

東西保馬依元降年限收買 罷在京并京西及泗
州物貨場 詔監察御史劉拯點摩人戶所欠市易
息錢大戶放七分小戶全放 詔傳宣內降及官司
奏請雖得旨而元無條貫者並申中書密院覆奏
是日以改轉法出內侍宋用臣等十三人于外 乙
亥以太皇太后生辰為坤成節 丁丑令樞密院中
書通赴都堂議事 詔舉行舊法分遣郎官御史察
舉諸道監司 御史陳次升使江西黃降使福建
庚辰河東經畧使呂惠卿遣兵入夏國界破其六寨

斬六百級 乙酉詔保甲兩丁并第五等田不及二十畝者聽自陳放免 丁亥免民戶所欠常平免役息錢五分及除放場務買撲罰錢 戊子詔強盜已殺人知人欲告按問欲舉而自首者不減等

五月乙未下詔求言詔語中設六事以戎言者有曰若乃陰有所懷犯非其分扇搖機事之重迎合已行之令規望朝廷以希進銜惑流俗以干譽審出于此必罰無赦 罷汴河堤岸司所領天漢橋方木場果子行猪羊園等 免洛口兩岸灘地租錢二分 丁

酉以十二月八日為興龍節 丙午復置府界三路
巡檢弓兵 戊申遣御史陳次升宇文昌齡察舉福
建湖南 庚戌左僕射王珪卒 戊午右僕射蔡確
進左僕射知樞密院韓絳拜右僕射知陳州司馬光
遇闕入見拜門下侍郎光言詔書求諫而遂以六事
防之乞刪去此一節頒布天下

六月丁亥始用光之言別下求言詔

七月甲午罷諸鎮寨市易抵當 丁酉上大行皇帝
謚廟號神宗 戊戌詔三省事合進呈者並令執政

官同上奏稟退就本省各舉官制施行 詔三路保

甲自來年正月並罷團教每歲農隙止赴縣教閱一

月 甲辰司馬光乞盡罷保甲歸農復置耆戶長壯

丁散保甲于兩驂驤院坊監諸軍蔡確等執奏不行

庚戌罷汴河拘欄牛馬果子行等地課 甲寅罷

廊延團將 以司馬光言詔天下奏獄不當讞者按

其罪 丙辰罷沅州脩築堡寨

八月己巳罷諸州縣市易抵當 詔青苗錢不立定

額 丁丑詔役錢所留寬剩不得過二分 丁亥罷

府界新剏牧馬監并經度制置牧馬司 罷三路提
舉保甲錢糧官自十月至正月分四番教閱

九月乙未詔應配者悉配行如舊法 罷在京免行
錢 罷成都府利州路買馬 戊午止京東西取買
堡馬

十月癸酉詔倣唐六典置諫官 丁丑詔待制以上
各舉堪充諫官二員以聞 詔監察御史兼言事殿
中侍御史兼察事 罷義倉 遣金部郎中范諤往
河北相度鹽法 己卯散軍器所兵匠 河決大名

庚辰劉摯言差除改更事件乞令門下依舊于當日
閑諫官御史 乙酉葬神宗皇帝于永裕陵 丙戌
罷方田 詔府界諸路耆戶長杜丁並募人充仍
等第給雇錢其保正甲頭承帖人並罷 己丑罷三
路提舉保甲官 詔保甲止冬教三月 十一月乙
巳詔三省合取旨事及臺諫章奏並同進擬不專
屬中書 丁酉附神宗于太廟第八室遷翼祖簡穆
皇后劉氏于西夾室 丙午罷諸縣巡教保甲官

十二月壬戌還于闐所進師子 丙寅詔府界三路
保甲第五等兩丁之家並免冬教 癸酉謀報西人
欲犯蘭州詔本路經畧使趙濟嚴備 罷後苑西作
院 乙亥上初御通英閣召宰執侍臣講讀仍詔自
今更旬宰執兼赴 戊寅罷增置鑄錢十四監 始
復坊正並募人充給雇錢